

Universitätsbibliothek Paderborn

Impius Infelix

Texier, Claude

Augustae Vindelicorum [u.a.], 1695

2. Quòd fidelis sustentetur Auctoritatibus urgentibus, testimoniis valde ponderosis: impius verò adhæreat opinionibus particularibus, à nemine, nisi liberae fidei & perversis hominibus approbatis & ...

[urn:nbn:de:hbz:466:1-45950](#)

II.
Punctum.

Psal. 92. 5.

Act. 14. 17.

Intellectus fortis dicitur ille, qui robatur, & sustentatur ab extrinseco ponderantibus & potentibus testimoniis. Jam quæro, estne Curiosus, aut Fidelis, qui ejusmodi insistit fulcro? Certum est, Christianum testimoniis niti, quæ fide dignissima, immo *Credibilia facta sunt nimis*, Regio Propheta attestante. Non vacat modo perstringere omnia credibilitatis argumenta, quæ Theologia recenset: solum dico, quod bene possimus asserere de Christo, quod S. Paulus promuntiat de Deo: *Non sine testimonio semetipsum reliquit, benefaciens de cœlo.* Sicut creatio & conservatio mundi evidenter probant Dei existentiam, ita intellectui omni bene disposito, rationis ductum sequenti fundatio & stabilimentum Ecclesiae Catholicæ est testimonium evidens Divinitatis Christi, qui illius est author. Qualis fortitudo in mente Christiani, quanta firmitas & securitas ei in sua Fide, quando considerat originem, essentiam & principia Religionis, quæ eundem docet veritates, quas credit!

Ista Religio est tam sancta, tam pura & inocens, ut absolutè proscribat omnia vitia, & exigat, laudetque cunctas virtutes. Profanæ antiquitatis leges satis manifeste se merè humanas esse, prodiderant, utpote quæ solum exteriorem hominem efformare, & ex polire laborabant: at lex Christiana gratiam cordibus inserit, malum ad radicem usque extirpat.

Secundò, sola Religio Christiana est, quæ proponit ideam sublimioris perfectionis: quia Deo omnem, reddit gloriam, omnem obedientiam, omne obsequium, quod Creator à sua creatura exigere potest. Illa hominem demittit, & abjicit in abyssum sui nihil, eumque docet credere, protestari, Deum esse fontem bonorum omnium

—

nium citra ipsius gratiae influentiam neminem esse capacem nè quidem bonæ cogitationis à se concipiendæ. Hæc præterea attribuit proximo amorem perfectissimum fundat inter nos unionem adeo arctam, ut major excogitari non possit. Ista licensiosas hominis passiones rationis frœno coërcet, nè quidquam agat, permittit, nisi imperio partis superioris, quæ in inferiorem dominum tenet. Ut paucis rem absolvam: nostra Religio hominem omni perfectionis genere exornat; *Ut perfectus sit homo Dei, ad 2. Tim. 3. 6.* omne opus bonum instructus. Neino quidquam sibi imaginari valet perfectius, aut amabilius ac essent Christiani, si vitam suam rectificarent juxta doctrinæ Evangelicæ normam, & sequerentur fidei lumina.

Nónne mundus vedetur esse paradiſus, & omnes, sicut Isaías obseruavit, quicunque alpicerent morum, virtutæque nostræ perfectionem, manifestè agnoscerent, profiderenturque, nos esse populum à Deo benedictum, Filios Dei per dilectos? *Cognoscunt illos, quia isti sunt semen,* *Ila. 61. 9.* cui benedixit Dominus.

Ecclesiæ Patres clarè probant, quòd unicus duntaxat annus prædicationis Evangelicæ plus sanctimoniarum & virtutis in mundum introduxit, quàm omnia sæcula antecedentia; Scholæ ab universis Philosophis apertæ nec unicum pagnuin potuerunt convertere: Religio vero Christiana Falsa Deorum simulachra sepeliit sub delubrorum ruderibus & ruinis, ipsa terram emundavit ab ista monstrorum multitudine, quibus latriæ cultus deferebatur ab hominibus, quorum aliqua crudelium sacrificiorum extorquebant tributa, nec nisi sanguinis humani effusione poterant placari. Illa est, quæ evertit Amphitheatra, ubi gloriæ ducebatur hominum corpora in frusta dis-

Y 3 . . . cerpere

cerpere: ipsa eliminavit sortilegia, mendacibus oraculorum linguis perpetuum silentium indixit, palamque, quas hic exercebant imposturas, per omnia detexit; quod Philosophi non minus vagarentur extra veritatis orbitam, quam Poëta; quodque profundi speculatores isti pro tunc somniarunt, quando meditari voluerunt.

Hæc est Religio, quæ superbiæ tyrannidem sub jugum servitutis misit, quæ Ambitioni alas succidit, desideria avaritiæ extinxit, quæ exundantibus inordinatæ luxuriæ eluvionibus limites præfixit postquam rationem ad nativam suam puritatem & dignitatem evexit, docuit humilitatem, temperantiam & castitatem: consuluit ea contemptum dignitatum, & amorem paupertatis; præcepit mortificationem sensuum, munditiem ipsarum etiam cogitationum. Uno verbo, ex cæcis his idolatriæ veri Dei excuspsit cultores, ex hominibus, qui antehac omnibus dæmonum vitiis laborabant, effinxit Angelos incarnatos.

Impossibile proinde est, considerate excellentias istius Religionis, ejusdem sublimitatem, sanctitatem, & miraculosum modum, quo fuit instituta, quo confudit omnium Accademiæ, in sæculo licet maximè exculto, scientiam, ac sapientissimos, qui floruerant unquam, mediante ignorantia duodecim rudium pescatorum, *scientia pescatorum*, tradit S. Ambros. *stultam fecit scientiam Philosophorum*, quo item modo se extendit per mundum universum celeritate incredibili, reluctantibus licet omni conatu omnibus mundi magnatibus. Impossibile, inquam, est, considerare tam paradoxa, & non unâ per sequelem necessariam infere, quin Religio Christiana immediate à Deo promanârit, cuius omnipotentiæ characterem portet
ac con-

ac consequenter, quod fidelis gaudeat felici sorte infantis viventis sub directione tam sapientis & tam sanctae parentis.

Qualem firmitatem Christiano consiliari posse dicere; Undecim milliones Martyrum, sive testium, omnis ætatis, omnis sexus, & conditionis, ex omnibus rationibus animo tam generoso, immo cum gaudio sustinuerunt ignes, rotas, novaculae, ardentes fornaces, & milles subiecte mortes, easque crudelissimas ad obsignandas proprio cruore veritates, quas credo. Ego honorem habeo, quod insistere queam vestigiis justini, Irenæi, Cypriani, Ambrosii, Hieronymi, Augustini, aliorumque tam illustrium Doctorum, qui suis singuli sæculis suspiciebantur, ut præcipua Spiritus, scientiae, atque virtutis miracula! quod sequi possim Constantinos, Theodosios, Clodoveos, Carolomanos, S. Ludovicos, Heinricos, Eduardos, Sigismundos, ac innumeram Augustorum Monarcharum coronam, qui præfixo in diademate Crucis signo has ipsas propugnarunt doctrinas, quas & ego cum iisdem pariter sustineo. Non fuerit possibile, ut veritas effugere potuisset viros tantos, animas tam innocentes, à quibus tamen cum ardore adeo intenso, intentione tam pura fuit inquisita; ut se prodiderit solùm exili & infami numero quorundam Novatorum, Libertinorum, nec cognosci voluerit, nisi ab animis, possessionibus & vitiis excæcatis? quomodo: ergo omnes probæ conversationis homines versentur in errore, improbi & sacrilegiè contra perspectam habeant veritatem? Hæ omnia certè sunt procul ab omni probabilitatis apparentia, sensu communi ptorsus contraria. Insolens sit, necesse est, qui vellet omnes Scriptores mendacii insimulare, in dubium revocare veritatem omnium

Histo-

Historiarum; vel sanè fateri debet talis infinitudinem quandam ægrorum, qui sanati, cœcorum, qui illuminati, mortuorum, qui resuscitati fuerunt, quique omnes testes existunt invincibilis articulorum meæ Fidei & Religionis;

Quod si fidelis tali ratione, uti potest, discurrat, nunc quid discurrit fortiter, & intellectus talibus motivis robatus, testimoniis adeò firmis & immutabilibus nixus jure merito qualitatem intellectus fortis firmique præferre potest? Videamus nunc; num Cutiosi & obstinati isti Libertini, qui fidem evertunt, similibus motivis gloriari queant, & an sustineantur ab extrinseco in suis particularibus opinionibus basi æquè robustâ.

Primò rescire cuqio, ex quo renuntiârunt fidelium doctrinis, séque transtulerunt in libertatem credendi, quidquid sibi lubuerit, an meliores effecti, minùs jam iræ, avariciæ dediti, plus modò studeant castitati, charitati, fortiores evaserint ad subigendas suas passiones? Saltem hoc fateri, oportet eum, qui bruti naturam non penitus induit, ita ut nec virtutem neque vitium ulterius discernere nōrit; bonam verâmq; Religionem adducere ad bonum, abducere à malo, sed ab eo tempore, quo fides in animis rationis hujus eclipsim passa est, omnem illi suam perdidere virtutem, ipsique viderunt, suam rationem infelici jugo captivitatis à passionibus suis subjici. Evidenter ergo constat, bonitatem & integritatem istarum opinionum particularium minimè roborare illorum intellectum.

Secundò, ad minùs habent præsumptionem quādā extravagantem, ac superbiam diabolicam, quæ ipsis persuadet quòd soli sapient, & intelligent; tam numerosam

rosam copiam testium in favorem Christianæ Religionis loquentium deserere nequeunt, quin etiam testimonio & autoritate aliorum quorundam utantur. Quinam vero sunt illi, qui ipsorum dogmata propugnant? sunt ne Doctores moribus suis inculpabiles? aut sancti, vitae exemplaris famâ commendati? Minime, sed ordinariè sunt procaces, juvenes sine judicio & prudentiæ, ad minimū, sine solidæ doctrinæ fundamento; homines perditis moribus, vitae luxuriosæ dediti.

En eorum Doctores, eorum Martyres, eorumque Confessores, sed quæso, dicatis mihi vos Libertini, num tanta securitate asseritis animæ mortalitatem, quanta certitudine nos asseveramus ejusdem immortalitatem? Hoc satis non est, certiores vos enim esse oportet: quia nobis periculum exinde non imminet, cui tamen vos manetis expositi.

Tam parum sunt firmati in propria & particulari sua opinione, ut, quando se in quadam afflictione constitutos deprehendunt, vel morti se propinquiores sentiunt, metuant, suas mox de ponant opiniones, illas revocent, contremiscant, fremant, quam primum de Deo infertur discursus, de quo ante dubitare audebant: incipiunt jam execrari sua principia, advocant Presbyteros, confideri presumunt; ita ut è mille, qui hujusmodi erroribus impliciti vitam duxerunt, vix tres sint inveniendi, qui in ipsis vitam claudere velint.

Quænam igitur intellectus vel animi fortitudo potest attribui istis, qui revocant, ac mutant opinionem eodem tempore, quo veritas melius debet esse cognita, & charior, quam unquam fuit: Inspiciamus tertiam causam inconstantiae ipsorum, quæ est tertium meum puntum.

Z

Quæ-